

POSTURA DE LA CAMPAÑA “¿QUIÉN DEBE A QUIÉN?” FRENTE A LOS PROYECTOS DE LLEI DE REFORMA DEL FAD / CESCE



Campaña ¿Quién debe a quién? – www.quiendebeaquien.org

El 7 d'avientu del añu 2006 entró en vigor la Llei Reguladora de la Xestión de la Delda Esterna (38/2006). Nel articuláu d'esta llei podemos alcontrar l'allugamientu d'una reforma de los dos grandes mecanismos xeneradores de delda pal Estáu español: los creitos del Fondu d'Ayuda al Desarrollu (FAD) y los fallos de los seguros de creitu a la esportación otorgaos pola Compañía Española de Seguros de Creitu a la Esportación (CESCE). Con cuasi dos años de retrasu'l gobiernu presentó nel Congresu de los Diputaos dos proyectos de llei colos que pretende cumplir cola obligación de reformar FAD y CESCE: **la del Fondu pa la Promoción del Desarrollu (FONPRODE) y la de Reforma del Sistema d'Apoyu Financieru a la Internacionalización de la Empresa Española (que contempla la creación del Fondu d'Internacionalización de la Empresa – FIEM y la reforma de CESCE).**

Organizaciones diferentes de la sociedá civil lleven trabayando y reclamando incansablemente durante estos años la reforma de los FAD y CESCE y tamién denunciando la falta de trespencia y calidá de los diferentes procesos de xeneración de delda y les repercusiones nos pueblos del Sur. Que nun les invitaren a participar na redacción de los proyectos de llei y, en lleéndolos, el papel y posibilidaes reducies que-yos otorga nel siguimientu de les actuaciones futures con cargu a FONPRODE, FIEM y CESCE, supón un retrocesu nel exerciciu de la participación democrática necesaria p'asegurar el bon usu de los fondos públicos.

Dende la campaña “¿Quién debe a quién?” proponemos esti documentu, basándose nes nuses esmoliciones y demandes, que mos paecen claves p'acabar cola problemática de la delda y voltiar la situación que sufren los pueblos del Sur, cola fin de que se tengan en cuenta nos testos de llei que se tán tramitando nel Parllamentu.

Pa cualquier consulta y/o aclaración sobre'l mesmu podéis ponevos en contautu con nós nesti corréu electrónicu: quiendebeaquien.estatal@gmail.com.

PROYUTU DE LLEI DEL FONDU PA LA PROMOCIÓN DEL DESARROLLU (FONPRODE)

1. Esi proyectu de llei tien que contemplar l'auditoría de tolos creitos FAD emitíos hasta agora pol Estáu español a países de renta menor, l'establecimientu d'un mecanismu que permita auditar les deldes que se xeneren a partir d'agora con mecanismos como FONPRODE, y tamién la cancelación y esixencia de responsabilidaes en rrellación a los creitos declaraos como illexítimos por eses auditoríes.

Pa “¿Quién debe a quién?” la posibilidá de realizar auditoríes de delda ye una de les demandes principales qu'habría contemplar el proyectu de llei del FONPRODE; llamentablemente tovía nun ta recoyida. Abúltamos que les auditoríes son una ferramienta de control democráticu eficaz daveres, que diba permitir conocer l'orixe de les deldes y fundamentar l'anulación o'l refugu de toles deldes que se consideren illexítimes. Son illexítimes aquelles deldes que proceden d'empréstanos qu'atenten a la dignidá de los ciudadanos, comprometen los drechos humanos, los drechos económicos, sociales y culturales o los principios de drechu reconocíos internacionalmente. Ye importante señalar qu'hasta agora nunca se fexo nenguna evaluación d'esti tipu nel Estáu español. Nun ye irrelevante qu'incluso l'espertu independiente de la ONX en delda esterna y drechos humanos, el señor Cephaz Lumina, aconseye a los gobiernos auditar tola delda que reclamen a terceros países, cola fin de conocer l'orixe llegal y llexítimu de la mesma. Dende'l nuesu puntu vista, esti procesu tien que se realizar conxuntamente ente les sociedaes civiles del Norte y del Sur y los parllamentos implicaos.

Ye precisamente nesti momentu en que les ferramientes nueves, como'l FONPRODE, van derogar los creitos FAD, cuando tenemos que garantizar que se pue evaluar caún de los creitos FAD reclamaos. En casu contrariu, y si a la final se tresfirieren los activos y pasivos del FAD, el saldu de la cuenta de l'Ayalguería del FAD y los importes de principal, intereses o comisiones devengaos y cobraos d'esi fondu al nuevu FONPRODE, tal y como contempla'l testu, corremos el riesgu de perder la buelga de los creitos que xeneraron la delda reclamada.

Per otu llau, mentanto s'auditen estos creitos esiximos que se declare un **aplazamientu de tola delda** que los países del Sur tienen col Estáu español. Procediendo d'esta manera taríemos na llinia de lo solicitao pol Secretariu Xeneral de

la Conferencia de la ONX sobre el Comercio y Desarrollo (UNCTAD), referente a la necesidad de llevar a cabo un **aplazamiento unilateral del cobro de la deuda** (y también de los intereses), dada la situación difícil para que travesen muchos países endeudados.

2. Paezmos que el FONPRODE tiene que apostar dafechu poles donaciones deslligaes en países de renta más pequeña que la española, ya que se trata d'un preséu d' Ayuda Oficial al Desarrollo (AOD). Nesti sen, dende "¿Quién debe a quién?" defendemos qu'hai qu'eliminar l'usu de preseos crediticios en países de renta menor que la española. Y también defendemos que el FONPRODE tiene que desvincular toles sos operaciones. Ello inclúi, sobre manera, les situaciones de guerra o catástrofe, en contra de lo que contempla'l testu.

El testu actual del FONPRODE elimina, de mano, el creitu lligáu, pero entá caltién el creitu deslligáu, que contabiliza como AOD, incluso pa los países más empobrecidos y perendados (HIPC) (art. 2.2). Per otru llau, el FONPRODE abre la puerta a aportaciones lligaes (nun s'especifica si como creitu o non) cuando 'la urgente ejecución de l'ayuda venga xustificada por situaciones de guerra o catástrofe qu'esixan entamar les aiciones con mayor rapidez' (art. 2.3).

3. Consideramos que nun hai que contribuir con fondos públicos a les Instituciones Financieras Multilaterales – IFIs. Eso implica les que contempla'l FONPRODE y también a los fondos del antiguu «Fondu d' Ayuda al Desarrollo pa Instituciones Financieras Internacionales y pa la Xestión de la Deuda Externa (FIDE)», qu'agora xestionaría'l Ministeriu d'Economía y Hacienda. Dende "¿Quién debe a quién?" consideramos que les instituciones financieras internacionales son responsables de tener impuesto a los países del sur polítiques económicos, reformes xurídiques ya institucionales y procesos d'endeldamiento que tuvieron impactos graves nes economías y los derechos humanos de los pueblos del Sur.

Sicasí, la llei del FONPRODE prevé la contribución a 'Fondos Temáticos Sectoriales n'Instituciones Financieras Internacionales destinaos a la satisfacción de les necesidaes sociales básiques nos países en desarrollu nes árees de salú, educación, accesu al agua potable y saniamientu, xéneru, y agricultura, desarrollu rural y seguridá alimentaria; aportaciones a los programes y fondos pa la evaluación d'impactu en dichos sectores y aportaciones a fondos multidonantes xestionaos o alministraos por instituciones financieras internacionales y destinaos a países concretos en situaciones de post-conflicto o fráxiles' (art 2.1.e).

4. Defendemos que ye imprescindible qu' haya mecanismos públicos de control y evaluación pa verificar que se cumplen daveres los puntos anteriores, y también un compromisu pa realizar evaluaciones ex ante y ex post pa toos y caún de los proyeutos financiaos con Ayuda Oficial al Desarrollo.

Nel proyeutu del FONPRODE hai una seición dedicada al siguimientu, evaluación y control de los proyeutos (artículos 11 y 12). De toles maneres, faltaría conocer cómo y con qué criterios se va faer. Pela so parte, anque l'artículo 11 fai referencia a que'l sistema d'evaluación y control va ser el marcáu pol Plan Direutor de Cooperación Española, hasta'l momentu estos criterios nun se pudieron aplicar mayormente por falta de transparencia na información rererida a la xestión de los fondos pa desarrollu anteriores, los FAD. Esta llei nueva nun prevé ninguna meyora sobre ello.

Nel mesmu sen, l'artículo 12, de control parlamentariu, tendría que ser muncho más esplicitu a la hora de garantizar l'accesu a la información sobre les operaciones aprobaes, les operaciones formalizaes, les empresas axudicataries, los sectores productivos destinatarios de la financiación con cargu al fondu y, en xeneral, el desarrollu de les operaciones en cursu a lo llargo del periodu contempláu; también l'importe, país de destín y condiciones de les operaciones autorizaes pol Conseyu de Ministros con cargu a esi fondu.

A pesar de tolo previsto, paezmos que los mecanismos de control y evaluación previstos en FONPRODE son tovía mui escasos y poco definíos. Poro, consideramos insuficiente y arriesgada la falta de detalle y la incidencia na transparencia de la xestión, evaluación y control de FONPRODE. Nesti puntu **esiximos que sía'l parlamentu'l que controle, evalúe y hasta apruebe la idoneidá o non d'un creitu per aciu d'una comisión *ad hoc* onde, como mínimo, haya paridá de componentes de la sociedá civil (ONGD y persones espertes nel tema) y del parlamentu.**

Esta comisión habrá espublizar regularmente un llistáu de les empreses que xeneraren impactos negativos (medioambientales, económicos, culturales y sociales) nes poblaciones del Sur, y que queden por ello inhabilitaes pa recibir fondos públicos.

5. Paezmos que'l FONPRODE tien que se xestionar de manera esclusiva ya independiente dende'l Ministeriu d'Asuntos Exteriores y Cooperación (MAEC), yá que defendemos qu'hai que deseparar de la cooperación al desarrollu cualquier tipu de xestión financiera o creítica que se derive del manexu d'estos fondos. Poro, consideramos que'l papel del Ministeriu d'Economía y Hacienda pa la xestión del FONPRODE ye innecesariu dafechu.

El testu del FONPRODE prevé qu'ésti se xestione principalmente dende'l MAEC, aunque non solo, yá que pa la xestión de recursos de creitos deslligaos ríquese l'autorización del Ministeriu d'Economía y Hacienda (MEF). Lo mesmo asocede coles aportaciones de financiación a fondos temáticos sectoriales constituyíos n'instituciones financieras internacionales, en que la suscripción cola institución financiera internacional receptora correspuende a la vicepresidenta segunda del gobiernu y ministra d'Economía y Hacienda, como gobernadora por España nes instituciones financieras internacionales. Per otu llau, el MEF va tar presente nel Comité del Fondu pa la Promoción del Desarrollu, que ye'l muérganu encargáu del estudiu de les propuestas de financiación con cargu al FONPRODE, polo que'l MAEC nun tien independencia pa decidir.

PROYEUTU DE LLEI DE REFORMA DEL SISTEMA D'APOYU FINANCIERU A LA INTERNACIONALIZACIÓN DE LA EMPRESA ESPAÑOLA (FIEM/CESCE)

Esti proyeutu de llei pon en cuestionamientu'l **principiu de coherencia de polítiques pal desarrollu**. A pesar de que'l testu diz que va cumplir con tal cometíu, nun garantiza cómo se va faer posible. Amás, hai un númberu creciente d'investigaciones que revelen de manera rigurosa hasta qué grau les empreses españoles xeneraron impactos sociales, ambientales, culturales y económicos negativos nos países emprobecíos. Y nun hai pruebas de que la so presencia contribuyere a ameyorar les condiciones de vida d'estes poblaciones. **Poro, oponémosmos a qu'haya mecanismos como'l CESCE y otros fondos como la propuesta del FIEM.**

En casu de qu'estos instrumentos se caltuvieren, dende '¿Quién debe a quién?' consideramos que lo mínimo que tendría que se tener en cuenta son los puntos qu'esponemos a continuación. Ello ye, polo que respeta al **Fondu d'Internacionalización de la Empresa – FIEM:**

1. Pensamos qu'en **nengún casu'l FIEM tien de computar como ayuda oficial al desarrollu (AOD)**, yá qu'entendemos que tola AOD tien de ser en forma de donación y deslligada. L'artículu 14.2 del articuláu prevé la posibilidá de contabilizar como AOD "aquelles operaciones que cumplan los parámetros y directrices qu'estableza'l departamentu competente en materia de cooperación al desarrollu, acordies coles directrices del Comité d'Ayuda al Desarrollu de la OCDE, el Plan Director de la Cooperación, los Planes Añales de Cooperación Internacional y demás documentos indicativos de la política de cooperación al desarrollu". Dende '¿Quién debe a quién?' exiximos que l'articuláu impida esplicitamente la contabilización del FIEM, y tamién la posible renegociación y/o condonación de los activos (artículu 8.6) como AOD.

2. Pensamos qu'en **nengún casu s'han otorgar creitos lligaos a intereses comerciales a países con menor renta que la española**. En tou caso, nunca s'habrien otorgar a **países emprobecíos y altamente endeldaos (HIPC – Heavily Indebted Poor Countries) / países menos adelantaos / países con ingresos baxos (LIC – Low Income Countries) / países con un indiz de desarrollu humanu baxu / países fráxiles** (definición usada hai poco pol CAD y el Bancu Mundial) / **países altamente endeldados de renta media**. El capítulu 2 del proyeutu de llei que se refier al "funcionamientu del fondu" estipula que l'apoyu financieru de FIEM fadráse principalmente baxo la forma de "empréstanos, creitos y llinies de creitu". Los beneficiarios del fondu podrán ser "*Estaos, alministraciones públiques rexonales, provinciales y llocales estranxeres, instituciones públiques estranxeres, y tamién empreses públiques y privaes estranxeres*". Estos beneficiarios habrán garantizar les operaciones crediticies aportando garantía soberana. **Esto implica de manera evidente una mayor xeneración de delda esterna.**

3. Defendemos que **tien qu'haber una garantía esplicita del cumplimientu d'obligaciones, pautos y trataos internacionales de drechos humanos (DDHH), mediu ambiente, anticorrupción**, en vez de citar solo la responsabilidá social corporativa, que nun ye de cumplimientu obligáu. Nesti sen, **mediante'l FIEM tamién se tien que prohibir esplicitamente la venta de material militar, policial y/o d'usu doble.**

4. Ye indispensable qu'haya **mecanismos de control, siguimientu y evaluación ex ante y ex post p'autorizar o non la financiación de proyeutos nel estranxero**, que garanticen la **tresporencia y participación ciudadana del Estáu español** (parlamentu y sociedá civil) **y de les poblaciones afectaes nos países receptores de la inversión**. Nesti

sen, ye menester la presentación d'informe semestral al parllamentu mediante una comisión *ad hoc* na qu'haya paridá de componentes de la sociedad civil y la publicación de les operaciones aprobaes, les operaciones formalizaes, les empreses axudicataries, los sectores productivos destinatarios de la financiación con cargu al fondu y, en xeneral, el desarrollu de les operaciones en cursu a lo llargo del periodu contempláu, y tamién l'importe, país de destín y condiciones de les operaciones autorizaes con cargu a esi fondu. **Esta información habrá de faese pública na páxina web del Ministeriu d'Industria, Turismu y Comerciú.**

5. Ye imprescindible qu'haya **mecanismos sancionadores ilegales en casos de vulneración de drechos humanos y delitos de corrupción por parte de tolos actores que participen en cualquier momentu de los proyeutos del FIEM**, lo mesmo pa les empreses que pa les alministraciones españoles y estranxeres. El capítulu 2 del proyeutu de llei (artículu 5) estipula que nos contratos financiaos con cargu al FIEM, *"el beneficiariu ta obligáu, con caráuter previu a l'autorización de la financiación, a supeditar esa financiación al cumplimientu por parte del axudicatariu de lo establecíu nos alcuerdos internacionales qu'en materia de responsabilidá social, medioambiental y normes rellatives a la prevención de práutiques corruptes, suscriba España, na so condición d'Estáu financiador de proyeutos en terceros países"*. Esto implica que son los países y empreses terceros los qu'han asumir una responsabilidá nel cumplimientu de les normes, pero nun implica una responsabilidá asemeyada o acordies, por parte de les empreses españoles a les que se-yos contraten los servicios. Polo tanto, **esa propuesta implica una ausencia d'afechu de corresponsabilización d'estes empreses, y tamién l'ausencia de mecanismos que velen pol cumplimientu de les normes referíes**. Polo que respecta a **los seguros qu'otorga CESCE**:

1. Esmolezmos sobre manera qu'haya **un incumplimientu col compromisu de llexislar sobre CESCE, tal y como obliga la disposición transitoria tercera de la Llei 38/2006, reguladora de la Xestión de la Delda Esterna**.

2. Paezmos imprescindible **faer auditoríes de los fallos de los proyeutos aseguraos pol CESCE**, yá qu'en bien de casos les deldes comerciales adquiríes por terceros países incumplen los requisitos de llexitimidá del puntu vista social, ambiental, comercial y/o políticu. Nel casu de qu'hubiere evidencies d'illexitimidá, requeriríase la cancelación d'esos deldes, y tamién un reconocimientu de les responsabilidaes de los actores implicaos.

3. En casu de que' gobiernu insista en mantener esti instrumentu y n'ares d'una **coherencia de polítiques colos compromisos del Estáu español a nivel internacional y estatal colos drechos humanos, el desarrollu y la defensa del mediu ambiente**, dende '¿Quién debe a quién?' vemos indispensable tener en cuenta, como mínimo, les mudíes siguientes:

- **Esixencia de tresparencia y de garantías énte la corrupción.** Esto implica una resolución de la contradicción ente la Orde ECO/180/2003, na que s'ampara CESCE pa reivindicar la más estricta confidencialidá sobre los proyeutos y datos de los aseguraos; y el drechu del accesu a la información de cualquier ciudadanu/a del Estáu, estipulao na Llei 27/2006. De la mesma miente, paezmos **imprescindible que CESCE tea obligada a espublizar na so páxina web tolos proyeutos que ta evaluando y/o a los qu'apoyó.**
- **Esclusión de tou tipu d'apoyu** mediante seguros de CESCE a **proyeutos que potencialmente puen permitir l'ataque a los drechos humanos y a drechos económicos, culturales y sociales.** Amás, requerimos midíes llexislatives qu'aseguren la **corresponsabilización** y l'establecimientu de mecanismos sancionadores ilegales que permitan la **xudicialización** de CESCE nos casos nos que s'aprobaren proyeutos d'esi tipu.
- **Esclusión de tou tipu d'apoyu** mediante un seguru de CESCE a **proyeutos que comporten impactos ambientales graves, que xeneren más cambéu climáticu** (industries extractives y banzaos) y/o qu'incluyan **tecnoloxía nuclear.**
- **Prohibición explícita** pa que mediante un seguru de CESCE **nun s'apoyen proyeutos que financien material militar, policial y de doble usu.**
- **Establecimientu de mecanismos** qu'aseguren una implicación real de les poblaciones afectaes nel procesu de toma de decisiones de les evaluaciones ambientales, la planificación de les compensaciones y tresllaos. Son necesarios tamién mecanismos públicos de participación y control efectivu por parte de los parllamentos, actores sociales y les comunidaes afectaes.

Campaña ¿Quién debe a quién?

www.quiendebeaquien.org - quiendebeaquien.estatal@gmail.com

ADHESIONES (a 25 de Xineru del 2010)

ORGANIZACIONES Y REDES INTERNACIONALES

1	11.11.11 Belgica	Bélxica	www.11.be
2	ASCOLVENPAZ asociacion por la paz y la integracion latinotinoamericana	Venezuela	
3	Asociacion de Defensa de la Vida, ADEVI	Lima, Peru	www.geocities.com/adeviperu
4	CADTM (Comité pour l'Annulation de la Dette du Tiers Monde)	Bélxica	www.cadtm.org
5	CDES (Centro por los Derechos Económicos y Sociales)	Ecuador	www.cdes.org.ec
6	Comité de Defensa de los Derechos del Pueblo	México	http://codepappo.wordpress.com/
7	Comite Oscar Romero de Chile	Chile	www.sicsal.net
8	CRBM (Campagna per la Riforma della Banca Mondiale)	Italia	www.crbm.org
9	Federación Nacional Sindical Unitaria Agraria	Colombia	
10	Jubilee Debt Campaign	Reinu Xuniu	www.jubileedebtcampaign.org.uk
11	Jubilee Scotland	Escocia	www.jubileescotland.org.uk
12	Jubileo 2000 Red Ecuador	Ecuador	WWW:jubileo2000.ec
13	Latindadd	Latinoamérica	www.latindadd.org
14	Les Amis de la Terre / Friends of the Earth	Francia	www.amisdelaterre.org/
15	Movimiento Social Nicaraguense Otro Mundo es Posible	Managua, Nicaragua	http://otromundoesposiblenic.codigosur.net
16	MUCAPRO	Cochabamba, Bolivia	
17	Red Mexicana de Acción frente al Libre comercio	México	www.rmalc.org.mx
18	The Corner House	Reinu Xuniu	www.cornerhouse.org

COORDINADORES D'ONGD Y REDES ESTATALES

1	Alianza contra la Pobreza	Estáu español	www.rebelatecontralapobreza.org
2	Campaña ¿Quién debe a Quién?	Estáu español	www.quiendebeaquien.org
3	Coordinadora d'ONG Solidàries de les comarques gironines	Girona	www.solidaritat.org
4	Coordinadora de ONGD de Castilla-La Mancha	Castilla-La Mancha	
5	Coordinadora de ONGD de Navarra	Navarra	www.congdnavarra.org
6	Coordinadora de ONGD del Principado de Asturias	Asturies	www.codopa.org
7	Coordinadora de ONGD Euskadi	Euskadi	http://www.ongdeuskadi.org/
8	Coordinadora d'ONG pel desenvolupament la defensa dels Drets humans i la pau de Tarragona	Tarragona	
9	Coordinadora d'ONG+D de les illes Balears	Illes Balears	www.congdib.es
10	Coordinadora d'ONGD i altres Moviments Solidaris de Lleida	Lleida	
11	Coordinadora Galega de ONGDs para o Desenvolvemento	Galicia	
12	Coordinadora ONGD Castilla y León	Castilla y León	www.congdcyl.org
13	Federació Catalana d'ONG per al Desenvolupament	Catalunya	www.fcongd.org
14	Plataforma 07	Estáu español	www.plataforma07.org

ORGANIZACIONES ESTATALES Y REDES LLOCALES

1	A.C. GAIA	Murcia	
2	Acció per un Turisme Responsable	Barcelona	www.turismo-responsable.org
3	ACSUR - Las Segovias	Madrid	http://www.acsur.org
4	ACSUR-Cantabria	Cantabria	www.acsur.org
5	AFRICANDO	Ingenio (Gran Canaria)	www.africando.org
6	ÀGORA Nord – Sud	Catalunya	www.agoranordsud.org
7	Agrupació Progressista per Sant Mateu	Sant Mateu (Castelló)	http://progressant.org/
8	Area de S.I de la APDHA	Estado español	http://www.apdha.org/
9	Asamblea Antimilitarista de Madrid	Madrid	http://laguerranoesunjuego.blogspot.com/
10	Asamblea por la Paz	Siero	
11	ASCKJP (Asociacion Socio Cultural koriki)	Loches. Madrid. España.	
12	Asociación Asturiana Gaspar García Laviana	Asturias	gaspargarcialaviana.googlepages.com
13	Asociación Ayuda Urgente a África	Benalmádena. Málaga	www.ayuda-africa.org
14	Asociación Bajando al Sur	Madrid	
15	Asociación danza aerea y teatro fisico	Madrid	
16	Attac Catalunya	Cataluña	http://www.attac-catalunya.org/
17	Attac Madrid	Madrid	http://www.attacmadrid.org/
18	Baula Comité Oscar Romero de Santa Margarida de Montbui	Santa Margarida de Montbui	http://baula-cor.blogspot.com/

19	Ben Magec - Ecologistas en Acción	Las Palmas de Gran Canaria	www.benmagec.org
20	Bloque por Asturias	Asturies	www.bloque.as
21	Carmelitas de Vedruna de La Ventilla		
22	CEAR-Euskadi	PAIS VASCO	http://www.cear.es/euskadi/
23	Centre d'Estudis Africans (CEA)	Catalunya	http://www.estudisaficans.org
24	CERAI	Estado español	www.cerai.es
25	Col·lectiu d'Estudis sobre Cooperació	Barcelona	www.portal-dbts.org
26	Col·lectiu RETS (Respostes a les Empreses Transnacionals)	Catalunya	http://collectiurets.wordpress.com
27	Comité Cristiano de Solidaridad con latinoamérica	Pamplona Iruñea	www.herrieliza.com
28	Comité Oscar Romero	Lleida	www.comitesromero.org
29	Comite Oscar Romero de Chile	Santiago de Chile	www.sicsal.net
30	Comité Oscar Romero de Valladolid	Valladolid	www.comitesromero.org
31	Cooperación Social Universitaria	Valencia	
32	Coordinadora Un Altre Món És Possible-Sabadell	Sabadell	
33	Ecologistas en Acción	Madrid	www.ecologistasenaccion.org
34	Ecologistas en Acción Ciudad Real	CIUDAD REAL	
35	Economía Y Gestión	Estado español	www.economiaygestion.net
36	Educació per l'Acció Crítica (EdPAC)	Catalunya	www.edpac.org
37	Enginyeria Sense Fronteres	Catalunya	http://catalunya.isf.es
38	Entrepobles/Entrepueblos/Entrepobos/Herriarte	Estado español	www.pangea.org/epueblos/
39	Federación de Comités de Solidaridad con África Negra	Estado español	http://www.umoya.org
40	Federación SETEM	Estado español	www.setem.org
41	Foro Social de Campo de Criptana	Campo de Criptana	http://www.forosocialcriptana.com
42	Fundación Mundubat-Mundubat Fundazioa	Bilbao	www.mundubat.org
43	Globalizate	Madrid	http://www.globalizate.org
44	Grup Ecologista Les Agulles – Ecologistes en Acció	Baix Llobregat (Barcelona)	www.lesagulles.org
45	IEPALA	Estado español	www.iepala.es
46	IFMSA-Spain		www.ifmsa-spain.org
47	Izquierda Anticapitalista	Estado español	www.anticapitalistas.org
48	Izquierda Unida Alternativa Ciudadana	El Boalo	
49	Los Verdes de Cádiz		
50	MALINCHE. Iniciativa Solidaria con el Pueblo Nicaragüense	Badajoz	www.malinche.org
51	Observatorio de Derechos Humanos – DESC	Catalunya	http://www.descweb.org/
52	Observatorio de la Deuda en la Globalización	Catalunya	www.odg.cat
53	OCSI (Organización de Cooperación y Solidaridad Internacional)	Estado español	www.nodo50.org/ocsi
54	Patatas Arriba (Attac-CADTM)	València	http://patasarribavlc.blogspot.com/
55	Paz con Dignidad - OMAL (Observatorio de Multinacionales en América Latina)	Estado español	www.omal.info
56	Plataforma 0,7% Extremadura	Badajoz	
57	Plataforma de Solidaridad con Chiapas de Madrid	Madrid	www.nodo50.org/pchiapas/
58	Radio Ritmo Getafe	Getafe	www.radioritmo.org
59	Red África-Europa Fe y Justicia	Barcelona	www.aefjn.org/
60	Red Solidaria Itaca	Madrid	www.redsolidariaitaca.org
61	Revolta Global-Esquerra Anticapitalista	Catalunya	www.revoltaglobal.cat
62	Sodepaz BALAMIL	Valladolid	http://www.sifredo.com/balamil/paginas/s
63	Soldepaz Pachakuti	Asturias	www.pachakuti.org
64	SOTERMUN	Estado español	www.sotermun.org
65	Unión Universal Desarrollo Solidario	Málaga	www.universalproyecto.org
66	Verdegaia	Galicia	www.verdegaia.org

y 386 adhesiones individuales (http://www.quiendebeaquien.org/IMG/pdf_Adhesiones_indiv.pdf)